

皇清文穎續編

皇清文頴續編卷十五

連珠

聖駕南巡恭紀

謹序

陳兆崙

乾隆十有六年春正月十有三日

皇上躬詣

青壇行祈穀禮禮成遂發自東郊恭奉

皇太后鑾輿南巡江浙

睿謨廣運

溫綽疊頒動植希光神人訢洽典至鉅

恩至渥也臣伏見我

皇上至仁大孝盛德夙成以是措注

萬幾動應其本名言莫罄端緒畧窺不揆禱昧恭成

演連珠三十首臣竊按連珠之體言欲有序義

取相生詮次事理纍然如貫區區微忱以爲鋪

陳

盛美此爲宜稱矣而文不逮意彌用悚惶若乃揚

雄造端於西漢班固傳毅續譽於東京下逮張
華陸機並有述作以臣之愚萬不敢追蹤古人
若我

皇上仁孝之治固已遠軼漢晉籠跨三五宜有以宣
被金石傳之無窮則或者葦壤之音

聖主不棄又臣本浙土耕氓蒙

恩備員

講幄職司載記稔悉風謠分宜附賡颺之末班效

旄倪之歡祝謹齋心濡毫拜手稽首以獻

臣聞車攻奏雅王迹肇於土中柴望陳書帝業光於海表是以

禮隆嵩岱先四鎮以山呼

化洽東南進羣神而雲繞

臣聞七聖隨鑾下啟華封之祝雙龍夾轂遙輝禹會之圖是以

神器仰承必敬

天而法

祖情田俯察兼導滯與宣幽

叶

臣聞流虹繞電爰徵黃屋之符紫闕金根聿建蒼龍之葆是以如天之福今始萃於

慈宮愛日之誠古無深於

聖抱

臣聞水以承舟喻蒼生之可貴金難比粟知穡事之維艱是以燦燦鉤陳轉東郊而後發煌煌

皇清文獻通考卷一百一十五
三
玉詔乘溫律以偕頒

臣聞膳禽不會禮崇維辟之儀大庖不盈詩美若虛
之德是以膏香在

御悉取給於太官絲粟無供動

軫懷於民力

臣聞海浩無涯詎假濶於川谷天鑒有赫寧倚衛於

風霆是以七萃騰驤

命臨河而遙駐

六飛沛艾許夾道以歡迎

臣聞盈車之魚以衆割而忘多千石之樽緣聚瓢而見窄是以連檣減漕回銜尾於江皋六穀吹香出長
署於

帝藉

臣聞玉檢金泥本賦家之潤色元霜絳雪亦方士之
虛無是以風引瀛壺不問安期之棗洲臨橘柚罷徵
鴻寶之書

臣聞垂虹廿四宛通風信悠揚浮翠一雙不數蛾峯
硤是以

龍旂霞舉仍儷景於華林

鳳舸烟開儼齊輝於天闕

臣聞官閣千花笑詞流之寒窘鶴林一樹避俗士之
譁囂是以佳麗之區藉

宸遊而迹顯瑰奇之產經

天顧而聲高

臣聞武邱石畔中亭烟月徘徊鄧尉山前三月鶯花
冉靄是以平臺

弭節如陳鏡古之林遂館

停驂恍展屏風之繪

臣聞黃海雲平輔金陵之形勢鍾山霧鎖藏屋社之
精靈是以例禁採樵僅見

熙朝寬大典隆

親酌端由

聖德恢闔

臣聞界分吳越在禦兒橋李之間星共女牛號織婦
耕夫之所是以阜安有象指湖畔之鴛鴦
膏澤無私坐樓前之烟雨

臣聞明聖名湖合駐

鸞龍之蹕中台號嶺應懸鷁鷺之巢是以月到潭心
水懷珠而待獻雲生馬首山插笏以來朝

臣聞苔封石鏡撫錢氏之豐碑塵掩丹爐陟葛翁之

舊島是以宜晴宜雨知爲奔走萬靈非霧非烟莫是
來遊五老

臣聞知水仁山狀天真而若繪陶堯鑄舜紬威力而
弗程是以陋秦望之夸

親探禹穴錄驚經之韻戾止蘭亭

臣聞文峯插漢森象緯於奎章道脈分流漚波瀾於
海若是以覩舞鳳蟠龍之

睿藻何殊光燭河湄聆敲金戛玉之奇聲不數音鏗

襄野

臣聞心鏡默澄照無遺於遐邇德馨旁達氣自徹於
幽明是以義起勸忠

特舉鄉賢之祀道兼教孝俾光家鼎之銘

臣聞無功不報則加命於躬桓有澤維均則流慈於
閭翟是以

賞先大吏榮邀進律之旌

恩逮羣僚允慶升階之迪

臣聞纘挾春溫爲蒙施而愈厚萬含風軟以稱意而
彌輕是以

旒冕經過地簇如袍細草

山龍照耀身餘惹袖濃馨

臣聞甘膏普潤原無擇於華枝大澤橫流不專施於
涸魴是以

蠲除萬億實殷富之名邦

豁免頻仍乃樂輸之正賦

臣聞在澤曰莪自細微而封殖在泮曰藻由採擇以
向榮是以

特增弟子之員人爭鼓篋旋廣黌宮之舍士盡橫經
臣聞春饗秋食耄穉得以情通暑怨寒咨痼瘵不以
地隔是以兒敲銅斗忻

頒內府金錢叟仆桃枝拜

賜尙方栗帛

臣聞芝茁窮巖華皓驚其美瑞蘭生空谷王者號爲

名香是以

賜札集賢罔不瞻

雲恐後標名拔萃居然負風而翔

臣聞春叢照路則枯枿黷以無顏靈苗在山則澗底
鬱其寡侶是以

子之湔洗勗後効於葵傾

錫以冠紳軫微忱之雀舞

臣聞列肆擊鐘比戶因之景附城中高髻四方甚其

風趨是以

天語周諄示儉之文最著黎民於變過化之象以昭
叶

臣聞牢盆疊雪國收煮海之饒斥鹵成田家有熬波
之蓄是以

寬租示勸薄災漢之均輸
賜爵叨榮眇夷吾之司牧

臣聞橫海駐師波靜長鯨之窟條風協律航浮烏弋

之津是以

詔遣觀兵軍容肅其將命

指歸耀德雞林紛以徠臣

臣聞增庫培薄賈讓列爲求圖沈玉舉菱漢武惟還
舊觀是以易葦以石遠謨成鞏固之基善蓄爲通
睿想盡神明之算

臣聞蠕動翺飛喜溢靈臺之圃星輝雲爛祥徵薰被
之絃是以際

重光之運觀

文之光修臨幸之上儀於百有餘歲承

長樂之歡同民之樂垂尊養之休烈於億萬斯年

皇上五旬萬壽恭紀

儲麟趾

臣聞叶天地之量者區寓并包統日月之明者容光
必照我

皇出震位以成能繼離功以惟肖是以元會縣而春
浩蕩恩浹九埏光華旦而運庥明德濡四垓

臣聞洪鐘緣實吐韻莫窺韻之所傳陽晷隨形賦影
難量影之所受我

皇正位凝命體備乎羣倫斂福錫民用彰於九有是

以以天下養惟

孝子克順乎

親如日之升惟

仁人必得其壽

臣聞玉檢金泥爰有河圖獻瑞紫文赤字聿來靈寶
呈祥我

皇潛心窺乾符之奧研極抉坤珍之藏是以紹義軒
則性焉安焉無俟崆峒問道體堯舜而至矣盡矣共

瞻雲日垂裳

臣聞目之有際也而眊周乎圓宇鑒之無厚也而照徹乎重淵我

皇睿智涵虛而抱蜀聰明離器以存神是以象日晷表正萬方心無爲以臨南面規幅員惟大一統民從欲而拱北辰

臣聞樽俎折衝逮明威以儆頑傲干戈變伐仗大順以靖氛囂我

皇神武布昭震乎荒裔懿文矢洽播於黎苗是以大
謀大猷倡凱吹而功揚萬里之外羣策羣力續衢歌
而聲徹四塞之遙

臣聞蕩乎大乎萬寶以之化者必以宏量舉確乎純
乎一作而不易者必以全力持我

皇乾惕體天之行健動靜有良之永思是以邇不遺
遠不禦治功行四達而不悖

志爲繼

事爲述

謨烈縣百祀而常垂

臣聞玉質金相懋修端夫圭璧仁經義緯敦睦勵於闡庭我

皇顯道惟彰而曰盛孝思不匱以時形是以

天節日增五十猶嗣虞廷之孺慕春宮晝永萬年長
錫媯水之修齡

臣聞服純棉之麗溫則布褐失其煖嘗太牢之滋味

則腥脯儉其餐我

皇爲羣生而謀飲食遍萬物以調燠寒是以五位相
合於坤乾羣向冀階而進頌萬福來同於海嶽爭遊
鳳宇而騰懽

臣聞以仁育者春曦表其妍以義正者秋陽流其鏤
我

皇好生之德洽民心蕩氛之威昭戎幕是以屬衣羣
帽隨太和之干羽而來我闕庭露犬絜牛順仁壽之

日月而安其疆索

臣聞斟酌道德之淵源引而不竭肴核仁義之林藪
旨而彌甘我

皇御經筵而異叅同貫開秘閣而左泳右涵是以和
寧啟得天之符天象朗而天昌景運壽考諧作人之
應人文賁而人獻瑤函

臣聞煦育之朝動物如草之偃阜成之運應世同樂
之諧我

皇作觀致興圖之皞皞儀舞來翽鳳之喈喈是以沐
二十五年之恩膏陳玉帛者梯山航水希百千萬禩
之休養効鵷鳬者聯陛盈階

臣聞四瀆紀於地神紐備而不居三辰麗於天元樞
運而無迹我

皇合性量於太虛燦輝光於篤實是以天錫無疆而
和風習吉將見躋六宇於春臺著符大衍而化日同
舒早已登萬民於壽域

聖駕四巡江浙恭紀

曹仁虎

臣聞斗杓度方司蒼緯者罔滯軌曦轡經道運赤曜
者希停輪是以紹哀對之文酬殷望於三稔敷斂時
之福闡上儀於

四巡

臣聞乙以軋生爲義康木協符酉迺留熟之名穰金
駢兆是以繹

祖武於時邁應期則撓甲載周承

天庥於歲占調氣則倫筭重告

臣聞通年制用登平之茂期必世臻仁匝洽之隆會
是以三十紀之延洪錫羨襲熙運以允升億兆人之
扇慕仰誠睎

耿光而祈戴

臣聞孚甲布餘必載旛以迎氣始辛祈實庸升楹以
薦蠲是以青甸陽奮以導驂先日之條風歛煦

紫壇禮成而揚軼隔宵之璧月吐圓

臣聞軒符合於金山未紀彤帷之侍陶玉刻於河渚罕傳紫闕之扶是以疑

寶錄之禧惟

慈宮爲單厚布

金輿之澤在

壽國爲永舒

臣聞穹霄有赫寧憑風雷以助尊巨渤無涯曷藉壑谷以增大是以警途除禮頓之使則耒夫奉

鑾張路却儲胥之供則輟豎承蓋

臣聞輟駢以示仁猶禁草木之踐羞犢以申敬弗煩芻茭之輸是以七校扈行

特留河干之從騎千寮陪列先約日下之屬車

臣聞黃圖控乎三輔燕南之田膏漉滋碧淀連乎九河趙北之澤腹流渙是以鼇炬陳而燈賞同展聯磨颺於

帝歌鶴觴晉而饌馨具調奉豫順於

慈眷

臣聞土陞茆茨黜華之至道人門桂栢諏吉之恒儀
是以布

辰告以庠宮灑除惟期乎仍貫傳子來於靈囿將作
倍給乎度支

臣聞嶽位宗東虞典先於中月溟支祖左齊音表其
大風是以徵禋土之降桑候織蠶以觀俗驗青州之
宜麥

咨農扈以勸庸

臣聞廣陵陸渢渢收熬波之饒京口絡江閩郭擅
枕水之勝是以移

華罕於芳墅則蜀嶺崔嵬以展屏汎

藻舟於靜瀾則金山窈窕以瑩鏡

臣聞都有巨麗之賦誇邃宇與廣庭土有清嘉之歌

表迴軒與飛閣是以鄧峯花翻乎

旆影昏萬重以海鋪支澗瀑應乎

鑣音雪千尺而巖落

臣聞龕峯赭峯所束東壑之驚浪喧門塔嶺尖嶺所
交北壘之巨塘護郭是以

覽樾薪之成績平潮則一綫中趨增障石之永圖坦
水則三成下拓

臣聞聖湖一規蕙隄掩映於隩宇漸水三折蘿壑盤
迴於幽瀆是以升鷺嶺以祝

釐則佛界澄靄憩龍井而延賞則仙源噴雲

臣聞淑氣駐韶蒼帝司時而一閏暄陽延景黃人捧
日而再中是以歌肆夏以迓

輿管候則緹帷重展樂長春以留

蹕花朝則旌幄兩逢

臣聞秣陵開其大藩包地維之磅礴鍾阜揭其雄鎮
俯天塹之蟠蜿蜒是以迴程於踞石之城柳萸隰以縈
輦弭節於棲霞之宇松繪岑以拂旒

臣聞圓精調燭胚渾名蘆敷之徵富媪貢映燠熙盈

茂衍之蓄是以

省鏤畎以登瑞則嘉禾奏篇循室衡而採謳則華黍諧曲

臣聞喬露均潤豈偏靳於榮柯洪霖普甘非獨施於曠陌是以

賜貸之數千萬迺足給之康年

蠲除之書再三在殷充之樂園

臣聞清道以行環負轡之迺卒造舟以濟集持楫之

烝徒是以

嘉趨役以饗豐歛欣形乎衢禱

恤執勞而緡益喁唱應乎擢歛

臣聞千石之釀衆斲則忘多萬鈞之迫羣擊則見細
是以籌平準之法

神倉減其瓊粳擴阜通之方少府增其寶幣

臣聞康侯三接錫馬符其占牧后四朝庸車燁其典
是以記承

恩於燕衍則迎道歡臚邀進律於

龍光則入疆慶展

臣聞筠箭被岡以甄拔而美獻茆芹生沼綠殖培而華敷是以覃

景輝於國雍三舍增影纓之士溥

文化於鄉頻兩齋廣橫篋之徒

臣聞尙方給札榮莫逾於制科之登行殿簪毫寵無隆於清秩之錫是以停

翠旗而試藝琅菜賦散金之花展黃帕以陳詩玉禾
歌維寶之穡

臣聞泰和轅運則擊壤之音宣頤養布仁則從珍之
禮逮是以絮帛均於庶老祝

曼齡以騰呼

璇章賜於耆儒霑念福而膜拜

臣聞掛杖高年近光則彌健投簪暮景邀眷則倍榮
是以綏壽朋而傳秩載遷煥我

國瑞晉任子而賢書同賁綿爾家聲

臣聞闕閔之助雖舊賞隨世延縹緲之業雖陳恩與時永是以故家仰錄裔之

詔澤流於薦紳文苑傳易名之條光被於銘鼎

臣聞溫旭所臨則窮燬耀徹迅霆所鼓則邃穴聲傳是以揚雞竿之

德音宣滯幽而惟刑之恤動狴籥之訢氣滌瑕穢而有善斯遷

臣聞籥文劄于石鼓首美攻同焚樂奏於金鐘先傳
震疊是以啟

和門之業業觀射則玉弩重陳移

法仗之林林詰戎則珠鈴載習

臣聞章漢之照頻仰而光華自新大磬之陳疊宣而
節奏彌暢是以駐

黃屋以灑翰則瀾生學淵礪翠珉以刊篇則彩映文

嶂

臣聞上翔下泳契風雅以導機高峙卑渟參智仁以觀性是以訪清遊於浮玉

題留帶之新圖尋韻事於品泉續煎爐之舊詠

臣聞洪澤停淮以刷波屹屹之虹隄承柱呂梁奪泗以併溜閑閑之雉堞覆孟是以度

禹功於河渠鎖鑰規其前效厯

堯慮於水府衣袂課其後謨

臣聞窰窪滙乎西楚浸微山以成湖沮洳交乎北徐

連大野以作敷是以

相荆橋之疏剔蜺彩亘而葑田告平謀魯郡之渫宣
鷺濤分而禾隰呈阜

臣聞茂猷奮光六寓爲之清照芬德蒸治三靈爲之
合訢是以崇禎燎之儀則岳祇結雲以迎

纛舉瓚流之祀則川伯恬浪以送輪

臣聞人表列乎往冊維嬖斯揚土功存乎通涂有勞
必計是以錫

榜題於吳郡祠墓端樹風之原延冠組於戴村塲陲
永分水之利

臣聞寅衷圖廟隨旰宵以未央乙覽課劬在遊豫而
無逸是以謹拜章於

紫禦閣門遵三日之程宣

批諾於丹毫

宸幄懋萬幾之勅

臣聞行地省觀則黔萌覃其教法天循牧則旭卉習

其祥是以敷厯洪之治於大同宏賴有慶奉禮卽之
祺於

長樂游申無疆

聖駕巡幸天津恭紀

彭元瑞

臣聞嘉符曼羨修明堂之上儀邳治龐鴻著甸巡之鉅典是以補耕助斂

天行舉省方之文就日瞻雲

帝圻駐行春之輦

臣聞維天有漢爾雅釋箕斗之間衆水曰津天官在析木之次是以劇郡藩於畿左位近乎星之依辰洪流滙於瀛東義取諸水之由地

臣聞王者之治三十年而後仁天子所都五百里曰甸服是以功成治定四八叶於

昌期府修事和億兆被其

景福

臣聞觀岳輯瑞若稽舜典遊河刻玉實昉堯巡是以撰日吉以

啟鑾歲維二月順陽和而布

德時迺仲春

臣聞以斗爲車四方法其廣運以樂爲御六轡象其和聲是以

輦道花承經

南巡之屢過芳郊繡錯遵陸路者四程

臣聞雄州日下古稱涿鹿之區別館雲邊地占紫泉之勝是以春雲午日六疊賡夫

天文竹埭虹橋十章煥乎

宸詠

臣聞燕南趙北因其地以爲名水舟陸輿凡所至者
曰幸是以蜺旌傍岸却

瑇瑁以言征桂檝凌波泛

安艫而來迎

臣聞瀦流爲池有淀蓋七十二阻滌爲界其議自宋
遼金是以酈道元之注經跡訛在昔何承矩之遺策
論定從今

臣聞漲減金門準小大以爲量波澄玉帶判清濁之

異流是以

睿慮夙周慎永圖於後事

宸衷久厯息羣說於前籌

臣聞敦本重農則衢歌耕鑿觀光揚烈則道在羹牆
是以摹漢詔於瑤珉官箴恒守仰

堯文於履屬

祖訓孔彰

臣聞繚水成防虹一圍而天合築沙峙障蟻半粟而

壤穿是以

睠千里之長隄不合如礪接三灘之格淀相續如環

臣聞麗兌上缺則澤氣通習坎不盈則水海至是以
銜

綸相度隴毗雀躍而與謀

頒帑經營澤黎鳬趨而効事

臣聞學海萬頃挹瀾可窮其源藝林千章尋條務探
其本是以姜牙河畔

聖學直揭於義娥蘇簿祠前

天語褒榮於華袞

臣聞移風易俗道闕乎戒奢誨吏型民義約乎崇儉
是以

聖情沖淡借露臺以示箴

寶訓丁寧戒燈船而罷覽

臣聞至德醞釀存神而過化天機端倪目擊而道存
是以省事厘乎偏勞懿哉維

帝其訓用中戒乎過正大哉

聖人之言

臣聞杏花菖葉春熙已日之辰麥浪柳風路指丁沽
以外是以漂榆城下迓

清蹕以騰歡津樹陰中望

翠鑾而展拜

臣聞水土旣修乃底元圭之績雨暘時若聿昭蒼昊
之符是以謹五牘之節宣地利資於人力彰八徵之

協應天貺兆於

神謨

臣聞包乾括坤水爲五行之長沐日浴月海爲百谷之王是以

臨高臺之崢嶸萬頃皆碧

望東溟之泱泱一葦可杭

臣聞箕範紀夫作鹹故利饒於府海周官訓爲不凍故法異於牢盆是以凝萬竈之霜貨無棄地曝五塲

之日寬以便民

臣聞營分水陸扼南北之要衝法詰戎兵控藩維於都會是以

六飛臨閱風雲合鳧鷖之波七校景從茶火列鸛鷺之隊

臣聞甘雨潤物自葉流根湛露滋榮由霄茹壤是以
頌溫綸而

啟蹕三分之正賦毋供賁

恩詔於迎旌十萬之通租咸放

臣聞葑菲有材敦循良於漢代菁莪得士樂化育於

周京是以

聖朝之章服多榮

賜爵人一級

盛世之膠鬲有慶差額以五名

臣聞禮尙齒而引年逮乎庶老有文事必武備勵汝

戎行是以扶杖而樂

太平優之粟帛執戟而觀

盛典增以衣糧

臣聞周雅美于邁歌及烝徒漢法立鹽官裕之寬政
是以厯水程之力役優從日給之加

惠趨事之鹺商課布紆徵之令

臣聞庶民子來寫羣情之歡樂百神受職薦明德之
馨香是以出太府而

賜金威霜優渥準祭法而肇祀永慶靈長

臣聞聖無棄材桐八爨而可聽春生萬物黍迴谷而不寒是以蕩垢滌瑕廢吏重瞻於鷺序宥愆寬眚殊恩拜赦於雞竿

臣聞畋田宅宅如解衣衣我推食食我樂樂利利似春風風人夏雨雨人是以

恩隨地而皆覃鼓枻乎廣惠弭節乎定福義因名而有取齋題以協性堂榜以播醇

臣聞審高就下不限衣帶因原竟委若指掌螺是以

續導流濟運之

成規建漫坡於筐港順渾刷清輸之水勢疏淤派於
鳳河

臣聞典以春行時舉甸蒐之禮南爲正位實維陸海
之饒是以七萃言旋紆前旌於

禁禦九旂暫憩講武事於神皋

臣聞遐福單厚惟庶民從純禧罄宜以天下養是以
經兩旬而至止慶

宸豫於有那合兆姓之樂胥奉

慈歡而無量

聖駕六巡江浙恭紀

戴心亨

臣聞運韓璿樞萬彙開萌於甲道光玉券百度振美於辰是以就熙嫗之溫暉歡歌

皇豫汜澍甘之豐澤慶洽

帝巡

臣聞夏貢揚州之域厥土塗泥周官會稽之山其利金錫是以轅童壤叟躋春臺而嬉敖越角吳根係

車而踊躍

臣聞大瀛歸墟八統抱浙則湯谷交華靈清界道九
岐滙淮而荷精耀色是以築薪礎石纘

昔軌以告功誌水廝渠煥

新模而立極

臣聞御伊耆之土茨弗以觀雒而崇粉飾乘高密之
楯欂弗以會僉而尙瑯華是以栝柱

飭規作游樸而不采象載簡衛勾陳肅以無譁

臣聞蔭嘉穀以宜人巖有抵穀植儉草以昭德谷餘

沈繆是以

勵惻惻於素絲賢惟是寶璫華鬘於綳節器匪攸求

臣

聞南陲北際泮鏡浚以泚融社舞村歌集星圻而

攢簇是以同民歡洽祇承上元之祥與物熙訢通報

太平之福

臣

聞坎德延長元苞契而應象坤靈積厚鈞軸轉而

開陽是以絳河導源溯騫槎於西極思泉宣

蹕迓義馭於東方

臣聞探介邱之金篋福趾增培遡曲泗之瑤淙道源遠造是以班春岱畎符配

天作鎮之基觀永泉林契得意忘言之奧

臣聞余謠聲比株離貢陽伯之音物曲情關羽畎獻春皇之嘏是以河逾白馬被

宸景者佇眙埤近紅花略

聖暉者儼雅

臣聞利溥剔壤而百川以之灌穰合水土而萬派得

其藏是以演盛漲之縱衡析爲十字

籌中泓而灑澹輸以六塘

臣聞行水者任乎智斷獨斯神莫川者審其機會伺
乃述是以東壩西壩指

御椿而輿府淵涵楊莊李莊衷

睿爰而榮光鏡溢

臣聞雲梯委注交流辨二瀆之蹤地絡隆宸互印定
一成之勢是以景

堯勲於高堰水誌則啟揆金門運

舜智於陶莊溜挑則祕叅玉筭

臣聞飭庚辰而鑠怪沈璧勛昭巡甲子以福神升香
典剏是以有恤新廟儼侯視而疏封以對恬波際
帝臨而納貺

臣聞夏載選藥緬克勤於橐耜涇舟作泝廢于邁於
烝徒是以歷充徐而瞻原駕焉則
寶吉時御循淮海以導運楫之則

安福陳軀

臣聞渡楊西津鎖甕踞三滯之嶮江沿南紀石鐘現
四照之緣是以

覽妙高之喬峯襟帶毗連星海

登文宗之傑閣圖書煥耀江天

臣聞訪勾吳之遺封寺錫名者四百八十攬具區之
勝概湖計頃者三萬六千是以闔閭爲錦繡之城
昂唐風而葆其質靈巖乃烟霞之窟

悅孔性而得其全

臣聞農書進而鴈趣其耕劬茲望杏蠶市開而蠅攢
於簇勸彼條桑是以

塵吳稻之書年黎民良耜

眷越絲之屆月紅女懿筐

臣聞羽引流卮姬宗以修禊視典氣占圓窳似后以
歸壑垂經是以一詠一觴園安瀾而

宣豫十決十盪塔鎮海而效靈

臣聞重疊列嶮當蹊誌很於馬銜尖塔奔龍激浪肆
狂於鼇抃是以第魚鱗而布級石坦三層鞏馬齒之
排椿金隄一綫

臣聞鯤壑雲移竹簍戢其濫汗鷺濤雪卷柴盤戢其
泓涵是以規橐籥於汎潮一闔一闔

定誌標於沙汕自北自南

臣聞積流疏派嚙隄奠靈海之瀾湧翠拖藍繡地呈
聖湖之喚是以奏

鴻功於保障道復中壘迓

龍御於餘杭禧延三竺

臣聞靈峯卓繖霞局闕六丙之符王氣薶金天闕拱

三辰之象是以考道德雲之宇指嶺松而

按鑾索饗功水之楣酌園椒而

賁仗

臣聞蜚麟蜚鹿玉輿陳考度之儀爲鳥爲蛇金匱演
握奇之訣是以習流者三萬吳刀晃而組練騰雲下

瀨者六千越劔揮而鰲臚耀雪

臣聞舉功行賞慶懋入疆錫羨延洪德洋間俗是以
清階華級康侯逮庶尹偕叨綺市銅山黃耆泉元齟
共沐

臣聞擢英瓌闢典樞要而六押分曹擢秀環林儲茂
材而三物樹表是以

帷宮釋褐官聯粲紅藥之階翼序橫經子佩廣碧芹
之沼

臣聞則壤均輸行春田而惠渥熬波禺筴酌海府而
籌陳是以

嘉井牧之殷昌蠲量戶帖

卹算緒於權摧裕逮膏津

臣聞厘蔭暘於吁炎寧王御扇軫羅辜於衣赭文命
停車是以等減勾圓

行殷布始和之令躔空貫索祥霄占太史之書

臣聞八風循道中韶諧譽嗣之嶽五露承晨作護譜

湯齊之籥是以珠聯續調

韻六疊而滋安玉振和聲

賦萬言而彌酌

臣聞渙號辨章道鐸振而流順異命叶紀周韜撫以
翔行是以

仁壽崇躋昭九萬咸熙之盛

敬明闡訓垂萬齡有永之程

臣聞祝獻姚巡願聖有多男之慶疇披如籙惟壽統

諸福之全是以瑞楹

仙源昌龍孫於

五世嘏崇

天錫繇

鴻算於萬年

皇上八旬萬壽恭紀

曹城

臣聞大橫協於卦象八十度遷其歲差留熟會於月
躔十三徽應於鐘琯是以地天交泰章部胥統
壽元律呂相生億萬彌增

福算

臣聞雲和孤竹裡天神以告虔纁幣黃琮致地祇而
展敬是以

昊緯申命

德合位祿名壽之符坤靈貺嘉數衍億兆京垓之慶
臣聞瑞呈圭璧庇蔭者嘉器用陶匏范模於古是以
常雩定禮加玉而制穀蒲
右壇親儀考象而設尊俎

臣聞顯謨承烈啟佑後人衣德紹聞繼光先志是以
棟雲崇殿雝誦

實錄之編松風舊齋兩作

紀

恩之記

臣聞涿鹿阪泉之戰六師定兩戒河山火龍藻粉之施三正革九章文質是以

特書戰事述

光烈以無忘肇立卧碑遵

訓典而罔失

臣聞喬嶽懷柔昊天其子泉流相度公劉于豳是以
溯發祥於白山

開國一統念毓瑞於朱果

陪都

四巡

臣聞飭幾莅政庶績其凝稱事用材知人則哲是以勤於

帝治總工虞水火之成

勗以官箴有風雨露雷之別

臣聞三階布政御六幕於乾行五夜披章揭重輪於

離照是以

觀班聯於日昃旰食傳餐

待封事於嚮明宵衣秉燎

臣聞璿機運乎斗車星環紫極金鉸簡乎雲駕旗耀
翠華是以嵩洛臺懷

天子所至謂之幸海塘淮甸

聖人之德無以加

臣聞漸江濤湧隄堆瀚海之錢瓠子波寬樾下淇園

之竹是以中壘築石

帝收敷土之功高堰

巡河民享安瀾之福

臣聞東方羣物之始瑞啟登封

聖人百世之師典隆修祀是以徧羣神而先望

巡守至岱宗合一揆而同符

釋奠於闕里

臣聞木蘭上塞古爲甌脫之區崖石興桓今是周陟

之地是以秋獮行狩

製哨鹿賦而揮毫

天健自強

御神虎鎗而策騎

臣聞義畫開圖天地由之經緯虞歌賡拜時幾飭其
明良是以

文成初二編闡經史爲訓誥

詩臻五萬首括道德與典章

臣聞偃波垂露掞鳳藻以長新玉版金環護虬文而
不泐是以

臨池而銘几鑑心經

敬勝之書列壁以置琳瑯

八柱

三希之刻

臣聞寶簡琅函羣玉貯西崑之府丹書綠字文星耀
東壁之曜是以

聖世右文書羅萬千竹冊

幾餘典學

詩題數百芸編

臣聞坐論道德講席分陪禮集搢紳園橋環列是以
御經筵而陳傳疏闡六經四子之文

建辟雍而陋注箋

製三老五更之說

臣聞苞葱嶺而築三城悉是受降之地破花門而分

兩道盡歸都護之司是以削平四部準夷在二十五
騎之克捷俘馘兩和卓木陋三十六國之羈縻

臣聞幅幘旣長殷疆紀於釋地土宇孔厚周索載於
職方是以瀛海數十邦皆爲臣僕瀚沙三萬里胥隸
土疆

臣聞狼貪蠶食罔知覆幬之恩螻芥蝟鋒敢恃山川
之固是以俘促浸與趨拉

功成五年取美諾及噶依地開三路

臣聞且甌通乎海南嚮風孔亟尉佗役乎駱越慕化
匪遙是以屋鼉社番畏

天威而入覲南交藩服感

聖德以親朝

臣聞西域卅六番統隸烏斯之藏南蠻八百社近連
阿瓦之城是以巴布獻金經敝關通款緬文貢花象
望

闕輸誠

臣聞占風測水韞譯偕來航海梯山竊淵並集是以
西崑入貢萃西北之共球南掌咸賓會東南之玉帛
臣聞辨磬號鐘應昌期而器出編詩定樂播盛德而
音和是以刻玉鑄金十二律盡諧節奏流宮振羽三
百篇皆入聲歌

臣聞龍觚兕敦千年尙有吉金鳥篆蟲書三代不多
貞石是以周器

特賜用儕堂階之琴石鼓

重排同列橋門之戟

臣聞螽斯麟趾特慶其蕃昌瓜瓞椒聊彌敦其親愛
是以

聖能繼

聖萬世之業

萬年孫又生孫

五福之堂題

五代

臣聞太平之世多壽仙集彭佺化國之日以長年躋
安羨是以大衍五十稽

家法以開筵有臣三千拜

天恩而賀讌

臣聞會常賦於度支承恩斯賚効正供於天庾逢慶
乃蠲是以

普賜算緡沐

洪仁者四載分輪轉漕覃

惠澤於二年

臣聞青袍射策願奮甲科絳縣引年試參亥字是以
重開茲榜簪裾咸被殊榮特沛

綸音金粟同邀

寵賜

臣聞堯符五字聿傳延喜之章舜璽雙文曾致昭華
之玉是以

古稀說著

萬斯年慶洽珠囊

耄念記昭八庶徵時調玉燭

臣聞矩執乾樞蘿圖錫羨仁符帝綽寶籙徵祥是以
奠數二十九千句

八旬有慶椿齡一萬六千壽

萬壽無疆

聖駕東巡

盛京祇謁

祖陵恭紀

謹序

戴均元

維嘉慶十年七月

皇上詣

盛京展謁

三陵

孝思殷盛大禮備洽季秋九月

駕還京師

御殿受賀中外普慶羣工庶尹獻頌臚歡臣惟謁

陵之禮我

朝曠越前代之鉅典

聖

聖相承所孜孜毋怠者也敬溯癸卯之歲

皇上躬侍

純皇帝展敬

丹邱

純皇帝慈懷默契特申籲禱遂正

儲位統綏天人惟

純皇帝深鑒

恭儉仁孝之德用以天下重器全付我

皇上惟

列祖

列宗在

帝左右知

天心之所顧黎元之所賴用保佑我

皇上彌性純嘏罄無不宜則夙夜不忘聿追來孝以

答

神貺以慰

羨思尤非尋常之率舊章修時事者可比

皇上溥覽山川博省風土仰瞻棨栳俯視几筵疊念

前時肅侍

屢門恪將奠獻秋霜春露歲月幾易雖執事如昔而
儀容音警不可復親樂以迎來哀以送往依依孺慕
感動左右而因念

祖

宗締造之艱難

純皇帝付托之慎重

天地百神所以眷注呵護之意羣臣百姓勞及孺生

蠢動屬心屬目欣欣之望穆然動乎容恠然存

乎心

緝熙肆靖彌益勤篤

大孝備矣休德昭矣凡有血氣其疇不承和反淳耀
於光明濡於

恩澤者哉

臣叨

聖教親炙日久仰見我

皇上之心無一不體乎

祖

宗之心我

皇上之政無一不法乎

祖

宗之政況此東巡展覲又繩武之大端也用敢演珠

聯之瑣辭紀璧合之

聖治亦知以管窺天以錐指地不足盡萬分之一惟

區區摹

天繪

日之愚畧效其涓埃焉

臣聞集福如期戩穀有定

撫辰御丙祇告初契乎

上靈由貞起元章蔀復符乎

基命

天命元年歲亦在丙辰是以

顯德行仔肩之重卽在敬思

先後聖同揆之休宜徵大政

臣聞合歡爲孝穀廟則仁

聖祖丕承禋

太室者三至

純皇繼序展

帝鄉者四巡是以

大寶初登下

詔先申遐慕太平旣告暨禮遂協靈辰

臣聞厥修積躬典學惟念

玉書肇譯聯綴上演

天音金史集觀論斷羣欽

睿覽是以

味餘哀帙右文快覩夫

奎章孔繇孚心左傳尤屬於

精鑒

臣聞克懋永圖不役耳目

嘉謨垂獵雪

擷衣而惜物於微

儉德戒塗金獲帛亦杜奢以幅是以貢惟方賄穀人
無易米之珠

御鮮珍奇華土有抵鵲之玉

臣聞惟辟奉天惟天好生撫順

親圍曉安全則邊臣受款錦州克捷

許完聚則臺堡輸誠是以

尺一書頒泣庶頑於遊釜須暇

命授靖小醜於憑城

臣聞處高聽下在遠若親

聆役夫之謳一牛勿恡於築所

恤下民之隱二木爰樹於闐間是以象法風雷臺司
無或留之獄

喻申舟水部屋無難達之言

臣聞敬宗收族峻德平章

升禱籲忱呵護勤拳於同氣分彝錫爵誓盟首及夫
宗潢是以學建虎闥

寵樹親承口策書頒鳳諾

皇枝競寫巾箱

臣聞得士而昌大猷所顯譯書文館

崇儒隆釋莫之儀登校諸生

壽考定作人之典是以

特科懋舉廉正胥列周行

親策甄材甲乙都經

睿選

臣聞手足視臣賡颺載雅

庸酬卮酒思豐草之令儀

寵賁襲衣緇裳華之心寫是以種榆

引喻植材求承露之盤築室

爰咨肯構屬連雲之厦

臣聞偷風所息惇德是匡集宴

內廷

恩禮均於新舊

慶成

尊號同心勗以明良是以日篤前勞

褒錄勲賢之裔思皇譽髦賡歌翰苑之堂

臣聞聖主可忠盛朝無諱

身正言直

疇咨特切於啟心

誠立諫行名義先求諸治事是以收千慮於愚者

清問不遺下僚寬一綫於戍臣芻言仍陳

黼展

臣聞愛克厥威民興於恥

見罪心惻法夏后之下車懲忿原情

恕使人之失禮是以明刑

欽恤尉律刪從重之條

奏當例成

堯仁有三宥之旨

臣聞魁虔大首胥肆一瑕揚古利之班師失啟迪則

元勛亦譴祖澤遠之見獲能效力則重罪猶賒是以
跡已著乎象恭乃

王鈇所必及黨但罹於連坐仍

湯網所不加

臣聞杜漸防微度軌章物

審制定律踰禮之禁嚴

鑒金嘉元遵法之戒切是以辨服

俞在廷之請克慎未萌錯履糾主者之非用徵後失

臣聞廉爲治本清乃德基

舊制重申謹華靡之習

新恩殊錫贍椎魯之資是以

朝列澄源而苞苴杜其漸大吏正已而典常作之師

臣聞除戎之戒揚烈之經

教射三時循率無忘於

家法

命田四仲制勝勿懈於承平是以述

彝訓於紹庭必遊於藝飭簡練於營伍時肄以兵

臣

聞禹惜寸陰文忘日昃遼陽旣克猶

思艱以圖寧瀋水初規

期先勞而後逸是以

法乾行健聞勤政之記於

前徽主善繼思

繹不匱之箴於庶職

臣

聞治洽方祇祥呈清宴觴流河步騰虹彩以

興龍石甃山根鞏

珠邱而

貽燕是以

靈昭德水徒不駭於衡樓

念厘清淮工豫增於高堰

臣聞四極爰轅百神爾主

載飛舸於車上遂縛句驪之王

驅野馬於回中旁徵使鹿之部是以練師舩艦則碧

海澄波騰檄叩駝則紅苗格羽

臣聞荃覬所甄萌生蒙福

慮愆期於春省耕勿奪時

規同堡之名田壤無占沃是以雨暘立應於

心禱先

天弗違侵兼

普貸夫口分求民之冀

臣聞言以立誠文懲徒飾揚威宣化

特戒矜大之詞

行政用兵惟求記載之實是以推步而占璧合匪詡
頑符纂

訓而紀金泥必嚴珥筆

臣聞瑤琤瞻原球刀陳序

神功震疊石馬列於

閩城

天表崇嚴

琫弓藏於武庫是以問穎粟於

邨室肅

輦特臨緬

筵几於豳亭

凝旒若慕

臣聞春祺旣嘒陽澤斯昭

御殿經行

皇路因高以就下

豐垣初建役人胥悅以忘勞是以

警蹕所臨不聞置頓扶

輪之士咸沐

恩膏

臣聞孝備禮賅神歆福輳地臨永吉靈山榮

萬歲之名節近迎仙葆吹導

千秋之奏是以

回輿告

廟潔粢正及

享烝會弁趨

朝來賀欣逢

曼壽

聖駕東巡

盛京祇謁

祖陵恭紀

吳鼐

臣聞神皋福壤作山所以經營澗東瀍西察地所以
疆理是以

吳緯宅

聖右翳閭而左白山

神樞造邦前滄溟而後黑水

臣聞三年成都黎頒從於烝乂百雉定制保障貴其實枚是以

東京

盛京繼

興京而三城鼎建天命天聰象天風而八門洞開

臣聞龍興肇迹天地交贊大勲燕翼垂休豐鎬並修
太室是以

園丘

方澤仍舊制於發祥之鄉肅

廟雖

宮薦新薌於

省方之日

臣聞征伐告於昊穹開國儀具苾芬陳於戶牖陪都
禮隆是以

南郊已歆更饗

帝於尊嚴之地

東巡初蒞特脩

神於清寧之宮

臣聞太微象呈西京敞端闈之度章陵鬱近南都煥連閣之光是以爰閭會極於

日下殿陛存址於瀋陽門啟

大清題文德武功於雙掖殿稱

崇政觀飛龍翔鳳於兩廂

臣聞材不究奇掖庭所以崇儉制應列宿環宮所以

御休是以日月配儀已發祥於胥宇睢麟署宇早表
德於貽謀

臣聞鞞鐸之設上善若虛冠服之制舊章無改是以
置木釳砌

求諫知諮度之周立碑箭亭從先觀

訓言之在

臣聞建官體國內外相維立兵啟疆寄正互用是以
五部旣設率屬而稟

皇猷八旗斯張同澤而扶

帝統

臣聞周勲未集已論鼓於辟廱漢治旣昌僅設署於金馬是以黷宮釋奠造草昧而敷文傑閣藏書連幽岐而肄雅

臣聞大觀所極業莫盛於耕桑至德所孚險不資夫山海是以鳳樓攬景溥海歸

覆幬之中雁塞依光

留都在嚴關之外

臣聞共球所會王道樂其蕩平杠梁旣成師行增其歌舞是以榆塞之塗竟坦

祖德勤而疊道車通柳河之潦無虞

考恩布而長橋虹吐

臣聞國無棄地閒原於馬政爲宜農有暇時游獵於武備易善是以大凌宜牧驂騮儲天廐之才海城習攷弧矢擅戎行之選

臣聞狼麋之獻周置官以司海岱之饒齊得鹽而裕是以美資冠服捕貂之戶較多地近

橋山煮海之才不賦

臣聞天必因材滋上腴於大國地不愛寶貢奇物於隩區是以劓獲採珠望佳氣而識珍奇之祕網魚陸鹿邇

神皋而欽博厚之儲

臣聞索綯乘屋王業之艱用陳造舟爲梁人力之巧

可識是以舊俗之周斐拉哈作堵多方吉林之法喇
威呼行地最利

臣聞帝出乎震動百物而首莅神瀛日生於東行入
極而先臨暘谷是以氣得春者早滋榮居近
聖者普受福瀋陽萬井依

陵寢而惠有孚遼左諸州前垓埏而租屢復

皇上五旬萬壽恭紀

謹序

潘世恩

嘉慶十四年歲次己巳恭遇

皇上五旬萬壽維時合寓昇平百姓富庶康樂四海

內外莫不喁喁然抱獻芹之誠願進祝

蕃釐我

皇上謙懷沖挹却而不俞並

諭獻冊諸臣勿競浮華用嚴體要羣臣懽欣踴躍咸

喻我

皇上崇實之至意

臣

謹按古來頌君上者首數天保

一詩觀其臚陳單厚馘穀而極以九如頌之者

詳矣乃其五章曰羣黎百姓徧爲爾德德爲致

福之本明矣

臣

敬觀

本朝

聖

聖相傳心法治法若合符節天下固已久安長治矣

而

皇上之安益求安治益求治者無非仰法

列祖

列宗之所行而

列祖

列宗之所行無非堯舜禹湯文武之所行溯其源之
所出是直合堯舜禹湯文武之德以爲我

皇上之德宜

天之申錫縣縣福集厥

躬以肇萬萬年無疆之慶也臣備員卿貳幸得親炙
德輝屢蒙

教澤私心揣度愧無以測

高深退而敬繹

御集之所敷宣以及

誥令之所發或卽小以喻大或卽古以鑒今德則內
聖外王道則建中立極凡我

皇上之文德武功制作明備與夫

法

祖治人之要可畧得其概亦如觀

天者未能推於穆之原而觀乎日星之光明雷霆之
震厲雨露霜雪之溜濡凝結益恍然於造化之
不可思議未始非管窺之一得也謹齋沐恭撰
連珠六十四首擬列卦以成文象循環之無極
敷陳

實事援古爲證不敢參三代以後一語誠以

聖德所昭上繼

列祖

列宗之心法治法者自有本也顧慙禱昧挂一漏萬

而葵藿之忱不能自己臣世恩敬拜手稽首以

獻

臣聞保合著於乾爻健徵不息斂錫原於皇極治協
無爲是以

紹三五聖之精微敬爲勤本

開億萬年之弗祿德者福基

臣聞徇齊表聖弱卽能言岐嶷鍾靈穡亦有相是以
年當勺象抒

睿藻而含章

志切農蠶仰

大文而繼唱

臣聞玉贈昭華示重瞳之合德闕生嘉木兆駢齒之
凝禧是以

三
卷三
三
句定春秋早契

聖衷於淵默

題標節儉已垂治道之綱維

臣聞民受必推天受理溯其源與子卽是與賢世隆
其遇是以

告

名癸巳馨香上洽

帝心

正位丙辰錫羨永寧

皇祚

臣聞熙帝載而日咨命符習吉得天下而不與居協有那是以

樞建紫垣繼

德而懷恬養

心忘黃屋隨遇而樂安和

臣聞位並心傳旨兼乎用中執兩化由仁洽道全乎

復禮勝私是以

恭侍

慈顏省四端於常日

勤遵

孔訓凜三戒於隨時

臣聞濬澮列櫬權之制姒紀貽謀陟岡輝鞞瑋之容

幽居垂法是以緬甲冑於

祖烈

篤念

王基景弓矢於

宗功艱知

帝業

臣聞賓餞率典則功協作訛階茨示型則道隆沐櫛
是以

目覩夫火流駟見

製仿

堯文

心儀乎土壁葛燈瞻依

軒室

臣聞大孝在乎繼述德業益彰王法寓於春秋庸功
備舉是以盈寧共樂完六十年未竟之

恩制度旣恢

續十四志已成之

緒

臣聞率舊章者不愆程以在昔學古訓者有獲鑑以
當今是以

六聖訓垂

志紹承而日勤

維誦十章義衍

法治平而歲著

宸吟

臣聞麟書存三代之公義嚴衮鉞竹簡標七觀之美

皇朝文獻通考卷一百一十五
道正衡權是以

準史筆以著經二百卅載

酌謨觴而作典五十八篇

臣聞保鴻名而稱首帝諦皇煌審鳳律而調元東漸
南暨是以

五德統貫邁題期于七十二君八風均平

汁運鈞于二十四氣

臣聞濯鼎挹泉知高位之必宏其量衣錦尚絅知實

學之不務乎名是以原大受之有由

論垂黃霸明虛聲之無補

鑒借匡衡

臣聞赤文綠字祕啟圓球縹筆絳衣道依闕里是以
頤含真味趣彌永於詩書益集

虛衷理必定於經史

臣聞作歌歸於解慍觀化聿成建事在於多聞仰規
得統是以詩林正大

闡安身立命之原藝圃優游

會鑑古知新之用

臣聞養陽以供玉屑誠感杳冥應瑞而湧醴泉氣蒸
和煦是以

雍肅而精通於

帝七戒三齋懿芬而

神降之庥五風十雨

臣聞渡河三豕立說者待以折衷墜地九烏刪書者

斥其不實是以

發明經解正履跡生達之譌

斟酌人情闢伐蛟掘雷之失

臣聞四辟擴並觀之用幽遠俱通一中運收視之神
纖微畢照是以鑑人不鑑物彰

燭理之無方鑑已自鑑人識

省躬之有要

臣聞衆志堅則固於城郭民欲淡則治若華胥是以

皇清文憲皇帝集卷二 名三
化寓雖和在德勝於在險

法宮齋肅至妙涵於至虛

臣聞行健法圓猶張弓而引發聽成得直須束矢以
平亭是以

運清蹕之璿璣

箴傳勤政息鳴桴於砥路

說在慎刑

臣聞諧四始于金石則鳳皇儀庭勤一發於葭蓬則

騶虞遊宇是以

同文溥化表

身律於吟牕

大武承基示

君鵠於射圃

臣聞獻豸者著忠忱淳留幽俗詠麟以徵仁化慶及
文孫是以崇騎射以

飭八旗勿忘其舊

訓宗室使敦一本共浹以

恩

臣聞辭裁輯懌斯徵行遠之方語雜支游漸乖立誠之旨是以文先正體

擬疏已樹之風聲言必由衷

式訓更戒夫波靡

臣聞治以垂裳色郁郁而德疑疑化如桴鼓視瞑瞑而行躋躋是以仰

聖而臆

皇風左圖右史

問俗而忘

帝力鑿井耕田

臣聞觀虞書以二典經訓所開搜商頌之七篇殘編
有託是以登

聖製以及

御製示萬古之楷模收全文且錄殘文括三唐之著

作

臣聞鼓擊大昕視學之禮肅書藏內史掌志之職該是以經術章明

臨辟雍而念名實詞臣砥礪

莅翰苑而勗英才

臣聞澤周葦露衍百世以誼敦禮溢豆觴置五更而典率是以

展親睦族

推恩承錫命之榮

壽世作人籲俊增隆耆之秩

臣聞元首賴乎股肱貳公宣化大學逮乎庠序三適
興賢是以治屋

喻治民功不任乎一已

樹人如樹木計每切於百年

臣聞百姓以食爲天幹年俗美司農之官屬地長養
機神是以粒我而降來牟功先百穀鞠人之在稼穡

農首四民

臣

聞獻種獻繭隨四序以興功典臬典絲設二官以

輸運是以

披寶圖而製詠

知民之依

勗嘉植而綴文於

帝其訓

臣

聞暍人得蔭頌遍經涂暑雨懷咨澤覃剛畝是以

納涼羽扇轉思火繖於三農

寄興瀛洲卽念瓊漿於九有

臣聞治隆載時養材之盛歲樂豐登野敦遺秉滯穗
之風人舍兌澤是以

天心常眷慶餘於冬雪春膏人力彌勤潤繼乎夏禾
秋麥

臣聞居高聽卑則聲入有間視近指遠則光徧無垠
是以日普黃絲暖實勝於一室雨沾玉塞食每暢於

八珍

臣聞啟蟄而郊重農伊始除壇於耜耕墾有差是以陽氣蒸而三務將興

祈辛省歲協風至而

四推是率吉亥占時

臣聞入疆行慶緩服益恭遵路劭農力田倍奮是以秋收克詰普

需宴於無方夏諺同聲叶

孚心於勿問

臣聞計吏以六廉弊治占謙則六吉垂型是以民脂民膏借戒石以

作按毋暴毋棄

擬欹器而成銘

臣聞懸輶設鐸進盡獻以博詢候律占風積枕被而遠矚是以

虛懷采納嘉言陳東憲西曹

大化覃敷殊俗來南邦北徼

臣聞舉旌偃旌之合樂禮意懋昭弦木剡木之取睽
雄風遠樹是以四方表

志重武備於平時萬國懾

威仰

祖功於舊土

臣聞踰鞠陳伎顯示撞秘之宜執提戒徒隱嚴節通
之令是以列雨甄於

太液借冰嬉以勞宣輝千葉於元宵觀角觝而武競
臣聞班師振旅惟舞羽干經正民興遂消邪慝是以
廣敷時雨化三苗於七旬永靖祆氛繼

十全者

七德

臣聞野草從風煥光華於復旦洗兵占雨隆盪滌於
止戈是以

澤洽鱗沙盡回心而革面氛消鯨穴競後舞而前歌

臣聞教胄子者肇見虞臣奮武衛者始稱禹貢是以人才首

國學推大原於喻義明倫兵制列團營責實效於挽強命中

臣聞詢及芻蕘芝蘭並美捐輕金璧瓦礫同觀是以論切於時進之破用人之格寶餘於地絕之杜言利之端

臣聞攬皇綱者貴乎舉一警百體天道者法其福善

禍淫是以剔弊懲貪恤民力以紓

國用

旌良除莠飭吏治而快人心

臣聞苞符理密開一畫以示端研悅功深厯三編而通義是以乾維坤軸驗兩大之化機坎北離南括八方之定位

臣聞軒榻懸球辨貞邪於毫髮祁廷沈璧彰格被於神明是以心鏡啟心盲

聖學邁唐宗之鑑寶人勝寶王

名言符保奭之評

臣聞二氣周流機通息息一元遞嬗性貴存存是以
水動觀瀾深悟在川之旨泉流翻雪靜徵有本之源
臣聞羲和繼渾儀之制仰憲靈樞璣衡推齊政之基
遠規治績是以

會心在一寒一暑參大造以儲精

觀化於六時六辰惜寸陰而增惕

臣聞體因心泰衆象胥恬神與化游羣生樂育是以
聖奧探無窮之妙山峙水流

盛時徵咸若之休鹿眠鶴啄

臣聞忘貨力於大同鍵虛外戶樂舒長於化日人盡
華顛是以感

德旣深一任金辛之貴懷

恩入報兩周花甲之年

臣聞藏富裕民書羅匡之全策承師問道禮保傳之

洪篇是以

賜復拜

新恩溥茲敷天之慶易名

獎舊學榮於稽古之賢

臣聞符現十祥待平陽而表異牒標三族擇邾鄆而呈形是以登瑞有真奚必游麟於圃應

天在實寧惟觀象於星

臣聞乾惕屯亨布爻而知惜虞箴唐戒冠號以示程

是以

輦丕基於億齡思艱圖易

勉仔肩於一念保泰持盈

臣聞祀畢同於祀先禮嚴裸獻達河因以達冀績重

隨刊是以

念羹牆於

駿德

豐功瞻

珠邱而修嘏

厘衣食於黃圖赤縣勞

玉輦而安瀾

臣聞視等公侯之秩王制定其儀典原功烈於民祭
法昭其守是以瑄牲沉疴蕭芳妥

嶽

瀆之靈竚簋報修肸蠭邀

帝

師之佑

臣聞美所稱美所爲者錫類之義上所長上所養者育物之原是以慰顯揚而

鸞誥重頒文武咸知感

德擴安懷而雉膏下逮羣稚均得沾

恩

臣聞族師讀法有善則書選士論鄉惟秀之擇是以標名綽楔識懿行於德門

作範衣冠騰歡聲於經席

臣聞補助急於春秋襁褓有勸燕饗隆於虞夏几杖是陳是以已責蠲租益勤三時之力復丁子帛特優百歲之人

臣聞法鳩慈而儀一仁政所先臨棘刺以宥三哲獄之務是以困餘得泰補兩間遺憾之留法外

施恩原一綫可寬之路

臣聞夏后作貢任土之宜公奭戒王賤物之遠是以

禁陳玩器已

表心於

親政之時戒切廷臣勿藉口於祝

釐之惻

臣聞中國有聖通重譯以來庭正月始和向爰閭而

畢會是以仰

大命而頒朔天下爲家

御同樂而懷賓王者無外

臣聞允執書傳淵源可溯殊祥雅著感應非遙是以
衍一中於人心道心常輝

寶籙集萬古之天瑞地瑞並現

熙朝

臣聞開鎬宴於八陛景慶同輝效華祝於三多軒愉
咸暢是以霑

龍光於鷺序

皇之澤如春貢燕喜於雁臣

佛之壽無量

臣聞萬千五百數之泰筭積大衍以添籌三百六十五度之圓靈鑑小物而錫祉是以上

萬年之祝

福自

天來

握四得之源

天惟

德視

卷之四

七